

中國方志叢書·華南地方·第二七六號

據

清·王粵麟修，曹維祺纂
清光緒十五年刊本

影印

貴州省

普安直隸廳志

(三)

成文出版社有限公司印行

中華民國六十三年六月臺一版

普安直隸廳志

全三冊

發行人：黃

成

助

台北市郵政信箱二二六〇五號

出版者：成文出版社有限公司

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：成文出版社有限公司

內政部登記證內版台業字第一一四七號

晉安直隸廳志卷之十八

人物

列女

孝婦

國朝

劉胡氏劉文霞妻文霞死氏年二十七歲親老子幼
胡事翁姑以孝聞無孤成立守節四十一年閭里咸
敬之

王劉氏王宏謨妻年二十六歲宏謨死高堂垂白孩

提在抱氏孝慈兼盡守節四十八年

劉李氏劉文衡妻秉性貞淑年十六歸文衡姑僻愛他媳遇氏獨薄李奉事愈謹姑病醫藥罔效割股療之減膳茹蔬禱以身代姑死鬻奩資以葬鄉人呼爲李孝婦

蔣呂氏蔣允熙妻年二十一歲允熙死翁姑垂老遺

孤甚幼氏以媳代子以母兼師守節三十八年

以上舊志

朱周氏貢生朱德昇之妻孝事翁姑姑有疾不解衣者累月藥必先嘗數十年無間鄉里稱之

杜朱氏杜龍章之妻姑賈氏孀居凡可以娛親心者
曲意承順姑病虔心默禱割股和藥以進病果愈舉
家以爲勿藥之喜不知實氏孝心所感也姑卒居喪
守制如禮

郭王氏廩生郭輝鳳之妻割股救姑同知張瀚中給
匾獎之題曰克孝回春懸之門前氏居北門外平街
平街屢遭回祿及氏居輒止後回匪火其室前後皆
燼僅存一柱題額如故

李張氏城北半邊街李本昌之妻本昌死氏年二十

六歲奉侍翁姑恪盡婦道翁年八十五壽終殯殮如
禮姑尙存年亦八十五染風疾口噤手足弗舉氏承
伺顏色粥飯水漿皆口哺便溺則抱持之起寘諸懷
不厭不倦如是者三年姑卒哀慟逾恒氏三子伯兄
嫂俱早逝遺一子育之成立家財無私見者不知其
爲兄子也見守節二十年

王李氏前黃平州訓導王室輔之妻割股救姑孝行
純篤姑病服侍勤慎歷久不倦

龍劉氏龍承元之妻姑陳氏染疾沉痾委曲奉事滌

溺嘗藥必身親之鄉里嘉其孝

金劉氏金室香之妻性孝生母病篤氏聞趨往奉侍
藥無效乃割股和羹以進果愈

楊石氏楊 之妻割股救姑

張馬氏張德敏之妻割股救姑

何馮氏何桂清之妻割股救姑撫孤守節

自出乃歸者一夫既知其故與小兒能
在江上走於水之邊者即其子
則其父則一夫既知其故與小兒能
在江上走於水之邊者即其子
今既知其故與小兒能
在江上走於水之邊者即其子

賢婦

國朝

鄒李氏孝子李自英次女也同治癸亥六月偕家人
避賊紅岩洞岩高幾三十丈其下亂石林立密如竹
筍險地也賊攻洞破其黨欲奪氏爲室自英語之曰
爾圖目前富貴從賊去如顧先人門楣則跳岩死氏
聞言聳身直下竟獲無恙後適新庄鄒宗秀歲庚辰
宗秀患病幾殆氏割股療之得生夫生死之際髮膚
之愛學士大夫難言之氏一纖弱女子始則舍身全

節纒則割股救夫烈腸至性兼而有之蓋得力於家
教者深矣

朱楊氏朱順彩之妻事姑克孝順彩病亟舍身救之

廳同知

題孝義可風獎之

節婦

國朝

張謝氏張方氏謝氏張其英妻年二十九歲其英死
遺子五人家徒壁立謝以母道兼父道養子成立長
子本超娶方氏本超早卒方感姑節孝篝燈共織守
志八年而卒鄉人稱爲雙節

吳趙氏吳清侯妻清侯客死開化家中蕭然趙倩兄
翼子負骸歸時長子甫十齡次子尙在襁褓趙克苦
自勵守節五十年

胡藍氏胡國甯妻國甯死藍年二十四歲無子以猶
子嗣胡訓子以德聲聞鄉里守節五十二年

劉郭氏劉師瑄妻師瑄赴鄉試卒於省郭年二十七
歲親老子幼郭長歌黃鵠聞者懷惋守節四十六年
蔡譚氏母女譚氏蔡興富妻年二十五歲興富死無
子遣一女贅壻以養未幾壻死母女同守節鄉人咸
稱之

張李氏張希載妻年二十九歲希載死遣一子僅八
齡李教之成立親見孫其祥成武舉持家訓子俱有

義方守節四十餘年

方鄒氏方極妻年二十五歲極故氏矢志自守苦節三十餘年

藍劉氏藍如桂妻年二十五歲如桂故氏甘受貧苦堅操自持教子成立守節三十五年

龔戴氏龔國瑄妻年二十九歲國瑄死氏冰霜自守教子成家守節三十年

文李氏文光妻年二十四歲光故氏矢志堅苦守節三十餘年

以上載舊志

高田氏文生高斯炳之妻二十六歲斯炳死氏刻志
守節後殉難

高董氏高斯鑑之妻二十八歲斯鑑死氏勵志守節
後殉難

鄧赫氏鄧百泉之妻百泉死氏守節二十餘年後殉
難

孫李氏孫承信之妻承信死氏年二十五歲守節不
二後賊圍洞服毒死

張王氏張人奎之妻年二十四歲人奎死遺一子甫

半歲氏守節教之成立

郭蔣氏郭小當之妻年十七歲小當死遺一子甫二歲氏矢志靡他後回賊陷城逼之不屈自刎死

鄧張氏張士蘭之女許字鄧亮功之子爲妻未婚鄧氏子死女聞易縗往弔過門守節繼聞翁於蒙化同知任殉難涕泣經年死

向張氏向永昌之妻永昌率練與賊戰於普陌營陣亡氏矢志守節二十五年

周張氏周恩元之妻恩元攻獨山賊陣亡氏守節二

十五年

李孫氏李仕林之妻仕林攻賊陣亡氏誓不再適守節二十餘年

趙熊氏趙開泰之妻年二十五歲開泰死遺子國勳尚幼氏教之得成武生守節五十年已請旌

周郭氏議叙九品周錫光之妻年二十六歲錫光死氏教之成立同知蔣尊典給節撫孤兒匾額獎之

賀氏張成綱之妻年廿五歲成綱死遺三子尚幼家貧氏紡績自給教子成立道光丙申氏年百歲守節

七十五年孫雖林立同知韓淳詳請奉 旨旌表賜
貞壽之門四字建坊於城外館驛坡今後裔蕃昌科
第蟬聯人以爲苦節之報云

唐氏監生任爲儀之妻翁璿任廣東永安縣令氏偕
夫往侍年廿二歲爲儀卒無子遣二女氏絕粒數日
轉念身有遺腹乃止及扶柩歸舟次後舉女一慟幾
絕其姑以大義慰止之歸葬後孝事翁姑親歿喪葬
如禮擇立夫胞姪調爲嗣教之讀書紡績資膏火調
爲諸生有聲庠序同知夏成業爲氏作傳

見藝文志

卒年